

STOLICE ZA KUĆNU UPOTREBU



PRAVNI OSNOV

Stolice za kućnu upotrebu se mogu staviti na tržište Bosne i Hercegovine samo ako su sigurne u skladu sa **Zakonom o općoj sigurnosti proizvoda** („Službeni glasnik BiH“, broj 102/09).



PRIMJENJIVI STANDARDI

Stolice za kućnu upotrebu se smatraju sigurnim ukoliko ispunjavaju sve sigurnosne zahtjeve propisane u bosanskohercegovačkom standardu **BAS EN 12520:2017 Namještaj - Čvrstoća, trajnost i sigurnost - Zahtjevi za namještaj za sjedenje za kućnu upotrebu**.

Ovaj BAS standard propisuje minimalne zahtjeve za sigurnost, čvrstoću i trajnost svih tipova kućnog namještaja za sjedenje za odrasle osobe težine do 110 kg.

Metode ispitivanja za određivanje čvrstoće i trajnosti svih tipova sjedišta, bez obzira na upotrebu, materijale, konstrukciju ili proizvodne procese su propisane u standardu **BAS EN 1728:2020**. Standard **BAS EN 1022:2020** utvrđuje metode ispitivanja i zahtjeve za određivanje stabilnosti svih tipova sjedišta za odrasle osobe težine do 110 kg.



OBAVEZE POSLOVNIH SUBJEKATA

Poslovni subjekti, koji stolice za kućnu upotrebu stavljaju na tržište Bosne i Hercegovine, moraju osigurati da stolice za kućnu upotrebu ispunjavaju zahtjeve koji se odnose na informacije za upotrebu i sigurnosne zahtjeve za konstrukciju.



INFORMACIJE ZA UPOTREBU

Informacije za upotrebu moraju biti priložene uz svaku stolicu i moraju biti napisane na jednom od službenih jezika u Bosni i Hercegovini.

Informacije za upotrebu moraju sadržavati najmanje sljedeće:

- Uputstvo za sklapanje, ako je primjenjivo;
- Uputstvo za održavanje sjedišta;
- Ako je sjedište opremljeno sa pneumatskim podizačima za podešavanje po visini, potrebna je dodatna napomena sa naglaskom da samo obučeno osoblje može zamijeniti ili popraviti komponente za podešavanje visine sjedišta sa pneumatskim podizačima.



SIGURNOSNI ZAHTEJEVI

Sigurnosni zahtjevi vezani za konstrukciju stolica za kućnu upotrebu uključuju zahtjeve koji se odnose na:

- Opće zahtjeve (svi dijelovi sjedišta sa kojima korisnik dolazi u dodir, tokom predviđene upotrebe, moraju biti konstruisani tako da osiguraju da se korisnik ne povrijedi);
- Tačke smicanja i pritiskanja prilikom sastavljanja i sklapanja;
- Tačke smicanja i pritiskanja pod uticajem pogonskog mehanizama;
- Tačke smicanja i pritiskanja tokom upotrebe;
- Stabilnost;
- Čvrstoću;
- Trajnost.

Sigurnosni zahtjevi se provjeravaju laboratorijskim ispitivanjem u ovlaštenoj laboratoriji, a kojim se utvrđuje da li su ispunjeni svi propisani zahtjevi za stolice za kućnu upotrebu.